

七經同卷

佛說善樂長者經

佛說聖多羅菩薩經

佛說大吉祥陀羅尼經

寶賢陀羅尼經

佛說秘密八名陀羅尼經

觀自在菩薩母陀羅尼經

佛說戒香經

深二

佛說善樂長者經

宋西天三藏朝散大夫武祿卿明教大師法賢奉詔譯

如是我聞一時佛在迦毗羅城與大衆俱是時有一釋種長者名曰善樂住在本處而彼長者信重三寶歸依佛歸依法歸依僧唯信佛法僧不復信於諸餘外道唯求佛法僧善解苦集滅道見真實理獲大果報而當非久即證菩提時彼長者於所見色忽然不見爾時善樂長者遙向世尊作是願言我佛世尊大慈大悲願施我眼目施我眼光明施我眼

清淨除我眼昏暗發是願已又作是言我今
歸依佛歸依善逝爾時世尊以清淨天耳過
於人耳遙聞彼長者發願言已即告尊者阿
難言阿難汝今持我秘密神呪往彼釋種善
樂長者處與作救拔護持令得寂靜安樂乃
至與彼四眾亦作利益安樂故爾時世尊為
善樂長者等說此清淨眼秘密大神呪曰
怛_{下切}𑖀_同𑖀_身他_引𑖀_里彌里企里_二𑖀_係𑖀_多
三忽喻忽喻_四忽夜_引尾底_五忽盧忽盧忽
盧_六訥訥訥_七

以此清淨眼秘密神呪句力眼得清淨除去
昏暗除去翳障乃至除去風毒眼病黃毒眼
病痰毒眼病癰毒眼病無痛無腫無惱無苦
無諸眵淚如是等病皆悉消除復以戒真實
力修行真實力苦行真實力秘密神呪真實
力緣生法真實力苦法真實力集法真實力
滅法真實力道法真實力須陀洹真實力斯
陀舍真實力阿那含真實力阿羅漢真實力
緣覺真實力菩薩真實力佛真實力法真實
力聖眾真實力以如是等真實力故眼得清

淨除去昏暗除去翳障所有風毒眼病黃毒
眼病痰毒眼病癰毒眼病皆不能侵無痛無
腫無惱無苦無諸眵淚等佛告阿難此秘密
神呪是過去六正等正覺同共宣說所謂尾
鉢尸如來正等正覺室棄如來正等正覺尾
說部如來正等正覺訖囉葛忖陀如來正等
正覺葛那葛牟尼如來正等正覺迦葉波如
來正等正覺我今第七釋迦牟尼如來正等
正覺亦如是說乃至四大天王謂持國天王
增長天王廣目天王多聞天王及帝釋天主

娑婆界主大梵天王等皆亦隨喜宣說佛告
阿難我未見彼天界梵界及諸魔界乃至沙
門婆羅門等界若有人持誦此秘密大神呪
三徧者有諸病苦而能侵害所有昏暗內外
翳障等乃至天所作病龍所作病夜叉所作
病阿脩羅所作病迦樓羅所作病乾闥婆所
作病鳩槃荼所作病卷二必隸多所作病富單那
所作病羯吒富單那所作病毗舍左所作病
羅刹所作病羯枯陀所作病吠多拏所作病
星曜所持乃至中毒及諸邪呪法等悉皆消

除又復阿難如是秘密大神呪法若有患者
日念三徧是人眼得清淨如前見物此如是
清淨眼秘密大神呪有大力故眼得如是清
淨除去昏暗及內外翳障乃至風毒障黃毒
障痰毒障癰毒障等皆悉消除無痛無苦無
諸眵淚又復清淨戒真實力修行真實力五
通仙真實力賢聖真實力聖藥真實力秘密
句真實力緣生法真實力苦法真實力集法
真實力滅法真實力道法真實力須陀洹真
實力斯陀含真實力阿那含真實力阿羅漢

真實力緣覺真實力菩薩真實力佛真實力
以如是等真實力故眼得清淨爾時世尊復
說秘密神呪曰

那謨引設馱寫一婆誡嚩都引悉殿覩滿怛
囉二鉢那莎引賀二

佛告阿難此秘密大神呪若人日日三時與
前神呪同共依法誦念是人所有眼病悉皆
消除爾時尊者阿難白佛言世尊我今承佛
聖旨持此秘密大神呪往彼善樂長者處廣
為宣說與彼善樂長者及四眾等作大利益

佛說是經已尊者阿難及諸大衆聞佛所說
皆大歡喜信受奉行

佛說善樂長者經

第二

佛說聖多羅菩薩經

不三藏法師法賢奉 詔譯

如是我聞一時佛在香醉山五髻乾闥婆王
宮彼有種種鼓樂絃歌出微妙音爾時世尊
處大殿中與諸菩薩摩訶薩衆俱復有諸大

聖衆皆來集會所謂有學無學諸聲聞衆并
無量無邊天龍夜叉乾闥婆阿脩羅迦樓羅
緊那羅摩睺羅伽人非人等復有無量無邊
成就持明持金剛者金剛手及忿怒王持明
王百千等衆復有具種種持明寶髻佛頂輪
王等衆復有宿曜并母鬼母鬼王及諸釋梵
大自在天那羅延天慶自在天大黑天神童
子天夜摩天水天風天四天王天并五通仙
人等俱來在會作廣大供養圍遶承事合掌
恭敬爾時世尊處於衆會譬如須彌顯于大